

Svmma Juris Canonici

Comprehensa Tribus Partibus In Qva Distincte Et Svcincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Qvæ In Libro Qvinto, Et
Sexto Decretalium Continentvr

Strein, Johann

Coloniæ Agrippinæ, 1659

Regvla LXXII. Qui facit per alium, perinde est, ac si faciat per seipsum.

[urn:nbn:de:hbz:466:1-61853](https://nbn-resolving.de/urn:nbn:de:hbz:466:1-61853)

Obj. 2. Rem alienam possidenti, quando possessione spoliatus est, actio datur: si tamen ab alio conventus neget se possidere, exceptionem non habet. *I fin. ff de rei vindicat.*

R. Ut exceptionem non habeat, meretur ipsius perfidia, quā negat se possidere, cūm possideat: adeoque in adversarium transfertur possessio. Simili modo socius, sacer, & fidejussor amittunt beneficium, ne in plus quam facere possint, convenientur, quando societatem se contraxisse vel dotem promisso, vel fidem dedisse negant. *I. Sed hoc ita. ff. de re iud.*

Obj. 3. Contra eum, qui electus, confirmatus, & possessionem adeptus est, non admittitur exceptio: contra eundem tamen admittitur accusatio. *c. Constatuiss. 23. de appell. c. Post electionem. de concess. praben.*

Aliqui dicunt, non admitti exceptio-

nem, quia factā electione, & confirmatione ex plurium consensu, contra minorē partem, quā nihil reclamavit, præsumptio oritur, quod electionem, confirmationem tacitē approbārit. *Vero rūm hoc juramento contrario elidi posset. Igitur melius*

R. Constitutionem illam in favorem ecclesiarum, & monasteriorum conceptam esse, rejectamque exceptionem, ne diu vacarent prælaturæ cum damno multorum: & simul ut mobilibus, & inquietis ingeniis terminus ponneretur, ultra quem mutationes, & novationes suas non protenderent. *Alexand. Consil. 62. Federic. de Senis Consil. 90. n. 3. Palat. in repetit. c. Per vestras. de donat. inter vir & ux. §. 8. n. 2. Surdus Consil. 377. n. 45. Scacc. de iudic. l. 2 c. 2. n. 121. Cardin. Tusch. lit. E. Concl. 374. Barbos. hic. & in Axiom. 85.*

REGVLA LXXII.

Qui facit per alium, perinde est, ac si faciat per seipsum.

I. O biter intuenti gemina, imò eadem videtur cum superiorius explicata Regula 68. Potest quis per alium, quod potest facere per seipsum: Sed non modica differentia est, quia hæc substitutionem concedit, per quam alienā opera utimur, illa verò omne id, quod per alios factitamus, nobis ascribendum esse declarat: alienæ falcis messis nostra fit, nobis illa scribit, nobis metit. Qui mandat solvi, ipse videtur solvere. *I. cum iussu. ff de solut. Quod ab alio nomine alterius eo presente datur, ab ipso datum intelligitur. I. Quod statu liberi. ff de donat. causa mort. Si tibi debitor meum jussero dare pecuniam, obligaris mihi, quamvis nummos meos non acceperis. I. Singularia. ff. si certum peratur. In judiciis eadem videoas contingere. Nam si procurator juret in animam domini sui, perinde est,*

Bb 2 ac si

ac si juraverit dominus ipse. Clem. I. de iure iur. Item confessioni fides datur, si quis vel per se, vel per advocatum suum in libello supplice aliquid asserit, sibi nocivum. Neque in delictis aliud servatur: quemadmodum exempla docent in Reg. 68. superius allata. V. Bern. Diaz in Reg 204.

II. Verbum, facit, notant DD. referri ad homines quidem, quibus mandamus, dicto, vel scripto, extendi ad bruta tamē, quibus utimur ad exequendum cogitata. Quid enim intersit, servum, an bovem instiges ad irruendum in hominem, & opprimendum? l. Item Mela. § item cum eo ff. Ad l. Aquil. l. ff. si quadri p. paup. fecisse dicatur. Præterea mandasse censetur etiam, qui verbis enunciatis vindictam significantibus usus est. Bald. ad l. 1. C. de serv. fugit. ita, ut animus obligandi adsit. Gaill. de pace publ. obs. 1. In criminalib. autem & atrocibus generaliter obtinet, ut qui occasionem dedit, damnum dedisse videatur. l. is qui ff. Mandati. & l. Nihil interef. ad l. Cornel. de Sicariis eod. Vnde inferatur, si dominus ab aliquo injuria affectus, famulo vel filio dicat, abi, nec revertere, donec aliquid novi de injuria mihi illata intellexero, homicidio per illos patrato, recte præsumi, mandatum habuisse. Bart. ad l. si quid mibi. §. pen. ff. de acquir. hered. Et Angelus se vidisse testatur Florentia quendam dominum propterea capite truncatus esse. Multo magis igitur, qui prohibere cum posset, non prohibuit, præfertim si coniunctæ minæ fuerint. Felinus ad c. Petrus de homic. Menoch. de arbitrar. Casu 360. & 353. Duenas in Reg. 308. Caramuel in Theolog. fundam. n. 662.

III. Amplia 1. Sive is, cui mandatum est, per se, sive per alium exequatur. Mandavi Cajo, ut occideret Sejum: Cajus mandavit Sticho, qui executus est. Mecum Cajus, & Stichus homicidit reus est. l. 8 i.e. ff. Quod vi, aut clam. s. Henricus presb. de cler. pugn. in duello. Quin et jam teneri nuncium, qui sciens attulit literas de homicidio perpetrando DD. tradunt apud Damhoud. in Praxi 6. 70. n. 8. & seq.

Amplia 2. Quamvis mandati fines excesserit is, cui mandasti. In contractibus quidem ultra mandatum nemotetur. l. diligenter. ff. Mandati. in criminalibus verò aliter judicamus. Vale nim in potestate mandatarii est, servare fines mandati, vel non. Si in potestate est, nec tamē servavit, à poena ordinaria mandans liber est. Si autem in ipsis potestate non est, ut si mandatum sit gladio vulnerare, cum vulnerum mensura non detur, sitque mors secuta, tam mandans, quam mandatarius tenetur. c. fin. de homic. Similiter irregularis sit, qui mandavit aliquem verberari, licet expressè prohibuerit, ne occidatur, vel murileetur, si mandati fines excesserit mandatarius, quia mandato culpam commisit, & cogitare debuit, id posse evenire. Barb. ad c. Is qui de homic.

Amplia 3. Licet non statim, sed longo intervallo post mandatum esse. Etus sequatur. Nam quando certum tempus præscriptum non est, durare mandatum censetur usque ad revocationem tacitam, vel expressam. Panorm. ad c. Ad audientiam de homic.

Amplia 4. Ut obligetur mandans, licet ex quacunque causa is, cui mandatum

rum est, non obligetur, sed excusat à culpa, & pena, ut accidere potest in futilo, aut servo rerum in perito. Pupilus etiam institutor obligat institutoris actione (quamvis ipse non obligatur) eum, qui se præposuit: & sibi imputare debet, qui non præposuit alium. Et si quis ff. de institutoria actione. Par modo innocentia mandatarii non excusat mandantem l. i. ff. de eo, per quem factum est. Nec operariorum, qui ex mandato domini in alieno agro metunt, ignorantes alienum esse, sed omnis obligatio, & reatus in dominum, qui mandavit, derivatur. V. Sily. v. mandatum.

Amplia 5. Etiam pro rebus spiritualibus, ut ad Reg. 65. annotavimus. Nam parvuli in baptismo per patrinos abrenunciant Diabolo, & se se Deo consecranti matrimonium per procuratores contrahitur, Bellarm. l. i. de matrim. c. 5. eleemosynæ per alios dantur, Silvian. V. Eleemosynæ multa Ecclesiæ ministeria per substitutos licet, & ritè peraguntur, pro se invicem Christi si deles orant, ita, ut utrisque sua meriti, ac premii salva portio sit. V. Chrysost. hom. Quod dispensatio rerum tuar. pro te ipsum exigenda est. S. Thom. 2. 2. Q. 83. art. 2.

IV. Obj. 1. In l. Item si obstetrix g. f. Ad l. Aquilam. Labeo ita distinguit. Si obstetrix medicamentum dederit, mortis inferendæ causa, suis manibus videtur occidisse: si vero dedit, ut sibi ipsi mulier offerret, in factum actio datur. Magis enim causam mortis præstabilit, quam occidit.

R. Hæc sententia, nisi benigna interpretatione molliatur, dura est, non

vera, nec tam Labeonis, quam labentis, vel errantis dicenda. Vnde ad illius dilucidationem nihil idoneum à Pecko assertur: Hippol. autem fatetur, se solutionem invenire non posse. Neque Gotosr. de ea salvanda laborat, sed prudenter annotat. Interim sciamus, alibi dici, nihil interesse, quis occidat, an mortis causam præbeat. l. 15. de sicariis. Cui dicto acquiescimus.

Obj. 2. Vlpianus dicit. Si mandavero tibi, ut opus fieri juberes, & in ea rem mihi parueris, mecum, non tecum erit actio. l. Aut qui alter. §. fin. ff quod vi, aut clam: quibus verbis clare indicatur, mandantis, & mandatarii diversam rationem esse.

R. Aliud est facere, aliud dicere, quod faciendum sit. In casu Vlpiani nihil facit is, cui denunciandum alteri mandatum fuit relatum: Ac proinde mirum non est, quod actio adversus ipsum non detur: quandoquidem mera quasi vox est, indicans alterius voluntatem. Et hoc in contractibus. In delictis enim non excusabitur etiam talis denunciator, si absque ignorantia & dolo, cooperatur alterius facinori aut delicto. Angel. ad. citat. § final. Navarr. c. II. n. 15. Em. Sa. V. Peccatum n. 9.

Obj. 3. Qui in Collegio pistorum sunt, a tutelis excusat, si modò per semet pistrinum exerceant. l. fin. ff. de excusationib. tutor. Neque alii fisci. Vectigalium redemptores à muneribus civilibus, ac tutelis excusat, magis, quam qui præsentes negotium exercent. l. In honorib. ff. de vacatione, & excusatione munerum. Ergo non proinde est, per se aliquid, vel per alium facere.

R. Quando iphius personæ opus à lege determinatur, & excluditur alienum, non est præsentis Regulæ locus ut possimus dicere. Quod quis per alium facit, &c. Cujus rei exempla in civilibus, & spiritualibus plurima sunt, ut ex dictis liquet. In illis etiam ubi non excluditur substitutio, consultius, & ad meritum utilius est suopte ingenio, & exercitio actionem perficere. Quod eleganter S Chrysost. explicat, in hom. cita.

Quod dispensatio, &c. Effice ut tu tuorum rerum dispensator sis. Sanctè, pie, & justè faciunt, qui per alios infirmos visitant, nudes vestiunt, esurientes paciunt, captivos consolantur: sed majora illi præmia consequuntur, qui hac ipsi faciunt, cum possunt, id quod ex historia evangelica de Regula, qui ipse ad dominum venit, & illo, qui alium eum misit, apparet.

REGULA LXXIII.

Factum legitimè retractari non debet, licet casus postea eveniat, à quo non potuit inchoari.

I. **E**odem sensu dicitur, Non tollit factum, quod impedit faciendum. 1. in ambiguis. §. Non est novum. ff. de Re. Iur. 1. si servum quis. §. ult. de acquir. hered. Exempla non desunt, uti nec exceptiones. 1. Si matrimonium contrahit, quis dum sanè mentis est, si superveniat amentia, non retractat illud, aut disolvit. 1. Patre furioso. ff. Qui sunt sui, vel alieni iuris. Idem dicendum, si superveniat affinitas, vel cognatio spiritualis. c. penult. & ult. de eo, qui cognovit consanguineam. 2. Non vitiatur testamentum furiosi, qui cum sibi constaret, illud condidit. 1. Is eius. ff. de testamentis. 3. Praesentatus ad ecclesiam à legitimo patrono, non renovetur, licet jure patronatus postea spoliatur patronus. c. Consultationib. de sur patronatus. 4. Si causa committatur Canonico, qui postmodum Canonicus esse designat, non perit propterea com-

missio ejusdem. Bald. ad l. Generaliter. c. de ep. & cler. 5. Iudex datus, in officio suo persistit, quamvis mente excidat, quia nimur ab initio legitimè institutus fuit juxta hanc Regulam.

II. Amplia 1. Ut valeat etiam in eo, quod ab actu illo legitimè factum pender. Nam sicuti legitimè initium matrimonium non vitiatur à superveniente impedimento, ratione cuius inchoari non potuisset, ita nec patria potest cessat, nec commodum acquisitionis eorum, quæ filius acquirit: sed hæc omnia patri manent, sicuti prius erant. 1. furioso patre. ff. de his, qui sunt sui, vel al. iur.

Amplia 2. Quamvis causa actus legitimè facti cesseret per casum supervenientem. Nam si post donationem liberinascantur donatori, legitimè facta donatio non revocatur; neque iisdem mortuis retractatur. 1. si unquam. c. de